

En memoria della defuncta

Petronilla Venzin, Selva/Tujetsch

24.4.1978

m. 16

(Corr.) Cura ch'il zenn annunzia la mort d'in convischin ni d'ina convischina sche fan ins la damonda: Tgi po quei puspei esser? Forsa quel ni l'autra che era dapi pli liung temps maldisposts! Eis ei succedi in accident? Mo co san ins setrumpar! Aschia ha il Segner clamau sia survienta Petronilla Venzin la mesjamna-enda-maun ils 15 d.q. el spital a Glion, suenter ina dimora de paucs dis. Buca che la Petronilla fuss buca stada pinada per render sia olma a siu suprem Scaffider. Ella ha astgau mirar en fatscha alla freida mort cun ina olma bein preparada e cargada da grondas grazias per il s. parvis.

Petronilla ei naschida a Selva, ils 31 da matg 1897, sco tierz affon dils buns geniturs: Giusep Flurin Venzin e Sabina, nata Simonet. Adina ha ella gidau leu ses geniturs en nuegl ed ora sco in tafer um. Era mava la preziada defuncta a cuser. Empriu haveva ella nuot, mo veva in bien dun leutier. Tochen ad Ursera serendeva ella a cuser tier enconuschents ed engiuviars. Suenter la mort de ses buns geniturs eis ella stada cun siu frar Giachen Martin, e quei entochen la mort. Sa cons buns merets che ella ha acquistau, essend che la buna defuncta ha rugalau e giu bia



quitau per paramenta e tut auter ureden baselgia de siu vitg, che era dedicada a s. Gion e s. Paul. E tut quei ha ella fatg varga curonta onns, e quei per in Dieus paghi. — Ei sedi adina puspei ch'ils buns originals — quellas persunalitads — mieren ora. Ina tala originala el meglier senn dil plaid, ha senza dubi il Signur sur veta e mort clamau puspei leuvi ella perpetnidad.

Ella ei vivida en retratgadad, patertgond adina mo vid ils auters. E tuttina fa ella lartg el vitg da Selva? Cu siu frar Giachen Martin ha stuiu serender en surveitsch della mumma patria la davosa uiara mundiala, ha el saviu star senza pli gronds quitaus. Cheu ha la buna Petronilla priu tut entamaun. Contas femnas ded oz fagessen enzatgei aschia? Els dus havevan bien ed eran adina cuntents! Lavur ed oraziun, quei ei stau per quels dus buns fargliuns la devisa. Ed igl ei era adina iu bein, aschidadir che ella ei mai stada malsauna enzacu de num. Dumenzia per dumengia vesevan ins la Petronilla a Selva a messa. Sch'ins vegneva suenter messa en raschieni cun ella, cheu vesevan ins adina ina fatscha rientare cuntenta.

Per siu frar Giachen Martin ei quei ina gronda frida. Mo el sa era che las vias dil Segner ein buca las nossas e sa era sere-metter al destin, quei cun la ferma speranza ch'ei detti indi in seveser permana pli sesparter. — La consolaziun sin in seveser possi denton dar forza de suppor-tar la greva sperdita. A Ti, fideivla survienta, sclareschi la glisch perpetna. Vegli il Segner dar il ruaus perpeten a tuts nos cars defuncts. RIP

G.F.

Pertgei lu tuttenina
comiau aschi anetg?
Cheu ta la vusch divina
valer il siu bien dretg.

Tuttin'ei nuncapeiveis,
amitg schi carezau —
per Tes amitgs fideiveis
Tiu schi anetg comiau.

Miu car e bien amitg,
jeu dun adi'a Ti,
mo salvel Tei aunc ditg
von egl gia di per di.

Ord mauns de Diu lein prender
la sort de mintgadi.
Nus tuts in di stuein render
bien quen ad el leusi.

-- ff.